

Que n'i a pro d'estar mespresats !

David Grosclaude, conselhèr regionau d'Aquitània

Caras amigas
Cars amics

Los signes de mesprètz de las parts de l'Estat de cap a la lenga nosta que's segueishen e que's multiplican. Dab lo darrèr d'aqueths signes, lo pro qu'ei pro ! Qu'èi decidit de miar ua accion e que demandi lo vòste sostien. Qu'ei ua accion en favor de la dignitat et de la legitimitat deu noste engatjament per la reconeishença de la lenga occitana.

Que m'installi aqueste dia, 27 de mai, a l'Ostau de Region de Bordèu, sièti deu Conselh Regionau d'Aquitània, e que i comenci ua grèva de la hami entà denonciar l'arrefús de l'Estat de dar ua seguida a un projècte votat per las duas assembleadas d'Aquitània e de Miègjorn-Pirenèus. Lo vòte que's hasó a l'unanimitat que harà lèu un an, en junh de 2014 !

Entà estar operacionau, aqueth projècte que necessita la publicacion d'un decret au Jornau Oficiau. Que s'ageish de la creacion de l'Ofici Public de la Lenga Occitana (OPLO). Que serà un organisme interregionau destinat a promòver ua politica en favor de la lenga occitana. Que serà virat de faïçon clara de cap au desvolopament de la lenga. Que cau arrestar la baisha deu nombre de locutors e har tot çò qui cau entà qu'aqueth nombre posca créisher. L'accion de l'Ofici Public que serà virada en prioritat de cap a las joenas generacions.

Que las deliberacions de duas assembleadas regionaus e sian tractadas dab aqueth mesprètz no's pòt pas acceptar. Qu'ei ua faïçon de dar arguments a tots los qui pensan que la politica se resumeish a har promessas shens las tièner. Que diseràn lavetz se las decisions presas non son pas aplicadas ? Quan duas regions e prenen la decision de miar ua politica en favor de l'occitan, lenga miaçada de disparicion, l'Estat qu'ei absent mes tanben que hica entravas. Que's compòrta atau sus d'outes dossièrs pertocant l'occitan ; la lista qu'ei longa.

Aqueth blocatge de l'Estat centrau qu'ei permanent quan s'ageish de tractar las questions de las lengas ditas regionaus. Qu'ei lo cas uei lo dia dab la refòrma deu collègi. Quin serà l'ensenhament de l'occitan e en occitan doman ? Lo perill de'u véder a desaparéisher qu'ei evident.

Qu'estoi sollicitat en 2013 entà participar au tribalh d'ua comission creada per la ministra de la Cultura. Aquera comission qu'a audicionat detzenats de personas e que remetó un rapòrt. Que caló quate mes d'amassadas. Lo rapòrt publicat que hè proposicions concretas e de bon aplicar. Non i a pas avut nada seguida. Qu'ei moneda publica desperdiciada e ua manifestacion mei de mesprètz.

Que tieni a díser que, com elegit delegat, qu'èi tribalhat a aqueth projècte d'Ofici Public de la Lenga Occitana dab lo sostien sancèr de la Region Aquitània, que sia lo president e los servicis, e en ententa sancèra dab lo men collèga de Miègjorn-Pirenèus.

Mentre que lo mandat deus conselhs regionaus ei a s'acabar, que pensi d'aver comptes à rénder. Que hèi cap a las meas responsabilitats d'elegit e cadun que's dèu acarar a las soas.

Que i a un vertadèr blocatge e deu men punt de vista qu'ei sustot mesprètz. La mea accion qu'a per mira d'entrecalhar l'Estat e particularament los sons servicis centraus. Que cau acabar un còp a de bonas dab aqueth mesprètz.

Que coneishetz lo men engatjament en favor de la lenga ; que compti dab lo vòste sostien. Mercés a tots.

www.david-grosclaude.com
grosclaude.david@orange.fr

David Grosclaude
Conseiller régional d'Aquitaine
Délégué aux langues régionales

www.david-grosclaude.com

grosclaude.david@orange.fr

Le 27 mai 2015

Chères amies
Chers amis

Assez de mépris pour notre langue !

Les signes de mépris de la part de l'État pour notre langue se succèdent et se multiplient. Avec le dernier en date, l'accumulation me contraint à mener une action pour laquelle je sollicite votre soutien. **C'est une action en faveur de la dignité de notre engagement pour la reconnaissance de la langue occitane.**

Je m'installe, ce jour, dans le hall de l'Hôtel de Région à Bordeaux et j'y entame une grève de la faim. Je souhaite dénoncer l'absence de suites données par les services de l'État un projet voté par l'assemblée régionale d'Aquitaine et par l'assemblée régionale de Midi-Pyrénées en juin 2014. **Cela fait bientôt un an !**

Ce projet, afin de voir le jour officiellement, ne nécessite que la publication d'un décret au Journal Officiel. Il s'agit de la création de l'Office Public de la Langue Occitane (OPLO) sous la forme d'un Groupement d'Intérêt Public (GIP). **Ce sera un organisme interrégional destiné à promouvoir une politique en faveur de la langue occitane, dans plusieurs domaines et résolument tourné vers le développement de la langue. Il s'agit de faire en sorte que le nombre de locuteurs cesse de baisser et qu'il augmente à terme. C'est pour cette raison qu'il est tourné en priorité vers les jeunes générations.**

Que des délibérations de deux assemblées régionales soient traitées avec si peu de considération — pour ne pas dire avec du mépris— n'est pas acceptable. Cela ne fait que donner des arguments à tous ceux qui pensent que la politique consiste seulement à faire des promesses que l'on ne tient pas. Que diront-ils alors si les décisions votées ne sont pas mises en oeuvre ?

Quand deux régions décident de mener une politique commune pour promouvoir notre langue, dont on sait qu'elle est menacée, l'État est non seulement aux abonnés absents, mais il bloque. C'est aussi le cas sur d'autres dossiers concernant notre langue.

Ce blocage de l'État central lorsqu'il s'agit de traiter de la question des langues dites régionales est récurrent. Il existe des réticences à chaque fois que cette question des langues est mise en débat. N'est ce pas le cas aujourd'hui avec la réforme du collège ? Que deviendra l'enseignement de l'occitan et en occitan ? Les craintes sont grandes et justifiées de mon point de vue.

J'ai été sollicité en 2013 pour participer aux travaux d'une commission sur la pluralité linguistique, à l'initiative de la ministre de la Culture. Cette commission a auditionné des dizaines de personnes, a travaillé pendant plusieurs semaines, et a nécessité de très nombreuses réunions. Un rapport a été publié, contenant des propositions très concrètes et très facilement applicables ; il n'y a eu aucune suite. Quel gâchis !

Je tiens à souligner qu'en tant qu' élu délégué, j'ai travaillé au projet d'Office Public avec le soutien du président de la Région Aquitaine et avec l'aide entière des services et en parfaite entente avec mon collègue de Midi-Pyrénées.

Alors que le mandat des élus régionaux arrive à son terme j'estime avoir des comptes à rendre. J'assume mes responsabilités d' élu et chacun doit prendre les siennes.

Il existe un blocage et, de mon point de vue, du mépris. J'interpelle l'État et particulièrement ses services centraux. Il faut que cette situation cesse.

Vous connaissez mon engagement en faveur de la langue, je compte sur votre soutien.

Je vous remercie.

David Grosclaude